

平定兩金川方畧

十

六

平定兩金川方略

十

六

平定兩金川方略卷之三十二

六月甲申。阿桂奏言。

臣

於六月初四日。至卡了

軍營。留心察看形勢。甲木以內。山險路狹。而礮座甚多。自卡了至格宗。沿河兩面山脚。重疊交錯。路尤險阻。而格宗山口以上。賊人於兩邊山腿。堅造柵卡攔路。從前桂林等衝擊此處。已經失利。今必由別路方可得進。詢之宋元俊。據稱

兩邊皆有山路。可以遶越。但必各派兵數千。從兩山分遶而進。方可望抵僧克宗。且卡了西邊山外。旣係金川地方。東邊山外。汗牛地方。亦有賊人設守。今欲遶進。則東西兩山各要隘口。均須分兵防禦。賊人衝截。現在兵數。除分駐革布什咱。綽斯甲布。索布大寨等處外。存兵祇七千數百名。其新調之陝甘兵三千。雖已過打箭爐。

但因甲木楚河橋梁毀壞。不能徑渡。今到營者

不過一千五百名。卽全數到營。合之現有之兵。

亦祇一萬一千。自邊谷至格宗三十里中。所有

墨壘。泥壘。達烏等處。均須連營分守。而兩邊山

路險要處。又須逐一佔據。則現有戰兵。實難抽

出。以供分路進攻之用。若兵數過少。遶進又爲

無益等語。臣思宋元俊之言。似欲計出萬全。但

軍營官兵僅有此數。此外別無抽撥。即使請

旨再從別處添調官兵。而路程寫遠。亦無靜俟來兵。

始行攻剿之理。查南路軍營。自墨壘溝之役。傷

損過多。不能整肅。而米石亦未充裕。臣到此悉

心籌計。尙無頭緒。竟不能於日內進攻。甚爲憂

悶。現在整頓官兵。詳察形勢。相度機宜。力圖進

剿。斷不敢稍事遲延。奏入。

上是之。

同日阿桂又奏言。查川省地方。自雅州以南。處
處崇山峻嶺。一切輓運軍糈。及應付差務臺站
夫馬。經理尤關緊要。臣經過各處。留心察看。所
有臺站之馬。不過數匹。稍足供馳送文報之用。
此外率多疲乏。而揆之額設數目。亦不能全。臣
輕騎減從。沿途應付。已不免於遲滯。及抵打箭

三
爐例應支領長馬出口。

臣

酌減過半。尙因所撥

馬匹未到。守候一日有餘。始得馬數匹。並僱覓

商販騾頭。以資前往。如此積疲。設遇要緊差務。

必至貽悞。至於輓運兵米。全在人夫。現在南路

商運。自省抵營。計程三十餘站。一路舖店無多。

食物昂貴。雖經照例給值。而運夫艱於買食。裹

足不前。是以地方官長運旣難。商運亦少。惟賴

各站滾運以資接濟。今每站人夫率多逃亡。每日所運不過一百餘石。雖阿爾泰設法催趲而運到軍營。只有數日之糧。各站並無存貯。不惟將來加添兵衆。及裹帶進發。匱乏堪虞。卽今官兵日食。亦未有源源接濟之策。從來州縣辦理軍需。閱日稍多。卽不免於因循怠惰。現當進剿緊要之時。必須大加振作。俾各知上緊籌辦。庶

不致稍有玩悞。奏入報。

聞。

同日。福隆安奏言。

臣

前抵軍營。留心查看沿途

輓運糧石。或人夫背負。或騾頭馱運。絡繹不絕。

但途長路險。輓運維艱。雖打箭爐。章谷等處。存

貯糧石。尚有萬餘石。而現在軍營。僅有五六日

口糧。陸續運送。必須妥幹大員督辦。沿途始不

敢怠忽。查成都省城。惟布政司李本及道府二
三員。辦理自不能周到。阿爾泰雖久任其地。無
如年已老邁。且俱聽宋元俊之言。屬員不知所
畏。一切頗露周章。現今糧運緊要。阿桂籌辦進
征。又難兼管。若令文綬前往章谷等處。往來督
催。似於軍務有裨。奏入。

上諭軍機大臣曰。軍營糧餉。最關緊要。設有不繼。貽

悞非輕。文綬向在西陲。辦糧頗爲熟練。著卽調補四川總督。文綬接到此旨。卽速馳驛前往章谷一帶。往來董察。實力籌畫。將官兵應需糧石。上緊運赴軍營。俾得寬餘接濟。其沿途臺站情形。並據阿桂奏稱。現在馬匹短少。遇事疲玩。亦著文綬悉心經理。務期安速。

同日。福隆安奏言。查阿爾泰宋元俊等。叅奏桂

林乖張捏飾各款。臣於六月初五日馳抵卡了

軍營。卽傳集桂林。汪騰龍。王萬邦。鐵保。及案內
應審人等。隔別研訊。先將阿爾泰等。所叅攻取
達烏。何以傷亡至六百餘人。訊問桂林。據供前
與汪騰龍等商酌。一面攻打墨壟山梁。一面襲
扎哇窠崖下礮卡。時因兩下奮力進攻。是以官
兵傷損均有一百餘人。當經將遊擊富森布受

傷之處。一併附奏。並未傷損六百餘人。臣又詰

以派兵從墨壟溝雪山遶進。傷亡至二三千人

一節。據供達烏山嶺陡險。久攻未克。隨據汪騰

龍。英泰等。差人往探。果洲山後。尙有小路可通。

桂林復與明亮。鐵保。公同商酌。是以派兵三千

餘人。於四月初六日晚。分隊進發。並囑薛琮等

相機前進。不可冒昧。桂林卽於初八日。同阿爾

泰明亮。汪騰龍鐵保。及各侍衛等。前赴該處。維
時宋元俊已從革布什咱回營。亦隨桂林同往
籌辦。至初十日。未能攻克。且距前次發摺之期。
已將數日。因暫回卡丫軍營。將連日進兵情形。
繕摺具奏。次日宋元俊亦回卡丫。嗣聞賊人抄
截後路之信。先派土兵接應。又恐土兵不能得
力。卽令宋元俊至彼察看情形。伊回稱須從革

布什咱取道方能直達。桂林卽令宋元俊前赴
革布什咱。派兵應援。仍派王萬邦、廣著等從墨
壘盡力攻打。旋聞官兵失挫。傷損甚多。愧憤交
切。亟思具摺請罪。而陣傷亡故。及迷失官兵數
目。一時各營未及詳查。是以於摺內聲明。另行
咨部辦理。但桂林仰蒙

皇上格外鴻恩。當此統兵重任。惟思繞覓間道。一往

直前。致官兵多有傷損。又不卽時查奏。實屬罪

無可追。

臣

又詰以與汪騰龍鐵保酣飲歡聚一

節。據供。軍營內都統提督等。遇有會議事件。偶
爾留飯。並無歡飲之事。又詰以勒取屬員供應
一節。據供。南路軍營買賣稀少。尋常食物亦不
能得。酌量購買食物。從內地送至軍營。隨時登
記。給發價值。桂林自去冬抵營時。見軍營皆如